



啓禎野乘七

卷十三
至十四



吳貢士傳

公名桂森字叔美號觀華無錫人給諫汝倫第三子也爲諸生卽以斯道爲已任日手周易一編玩味不輟歲甲辰高忠憲顧端文興復龜山書院公日從事講學又創立五經會集子姓數十人闡發聖賢教人之旨身體而力行之時毘陵錢太僕一本邃于易公從學盡得其奧及歸錢公以目送之曰吾易在梁溪矣辛酉忠憲起官公遂主壇坫盟此忠憲歸講堂四座春風喜而贈公以詩有云龜山此日誰能得屈指

東林定屬君其推重如此○亡何逆奄難作○毀書院○殺
名賢○忠憲沉淵死○公哭之慟○出橐金以佐緹旗需索
之費○已而璫敗○公亟議修復○建麗澤堂以會友○構來
復齋以鍵關○不數月而東林復還○舊觀皆公力也○公
性至孝○幼喪父○哀毀若成人○敬事二兄友愛季弟○平
居好行仁義○恤孤惠寡○聞人急難密爲解紛○不必令
之知○且有助以金錢者○訓子姓多格言○有羣從舉于
鄉○公不隨衆稱賀○惟諄諄以忍讓厚三字爲祝○自奉
甚約○布衣蔬食○深居簡出○郡邑長罕通聞問于苑在

浚有踰垣閉門之風○及遇同志○則啟扉酬答○茗椀鐘
香○終日無倦色○壯歲膺貢○絕意進取○惟亟亟身心性
命之學○從東林諸先生游○被褐以老○每自署曰東林
素衣○故學者稱爲素衣先生○云崇禎壬申卒○得年六
十○入祀崇正書院所著有一班錄息齋筆記像象述
諸書行世

論曰○錫山有顧高兩先生○而道學大明○一時名賢若
劉安陳葉諸公○俱稱東林巨擘○嗣後則曹公履垣馬
公素修暨舅氏華公鳳超○內父王公忠紉○二三君

獨得其宗○乃以諸生而與齊名○惟覲華吳公與經會
先伯耳○豈非任道之篤○不以出處有二哉○吳公之生
也○事必師古○動皆中節○卽一喪葬儀制○一遵文公家
禮○及其後而繼嗣大典○且有以賄賂爲予奪者○嗚呼
何古今人之不相及○與經畬伯之論公有曰○先生之
學○其入門在窮經○其砥礪在會友○其實踐在體認入
德○其妙悟在直見乾元○其涵養在終日乾乾○一語蓋
其識趣高朗○絕去名心○獨歸理要○而又遇顧高齋大
儒爲夾輔○故能登峯造極○卓然豎立○如此○此言真知

吳公者哉

劉孝廉傳

公名楚垣字師仲湖廣荊門州人家世務農性澹泊
尤篤孝友幼喪父竭力養母溫清定省無缺禮侍母
疾藥必親嘗衣不解帶凡二百日母死哀毀骨立爲
孺子泣三年未嘗見齒而事兄恭謹纖悉稟命雖異
居每朝夕有寒暑風雨不避也○有季弟年最弱悉以
先世遺產讓之所居陋室數間青苔滿壁朽鏹敗席
處之淡如○惟閉戶讀書爲事而已○天啟丁卯舉鄉試
屢上春官不第○公曰吾何尤人哉○士有本業○穠蓂待

年耳○然○迫○於○飢○寒○遽○墮○節○狗○時○有○死○不○能○也○故○自○登
賢書○十○餘○載○布○衣○蔬○食○猶○若○儒○生○自○其○初○爲○諸○生○時
有○文○譽○受○知○州○守○程○某○揖○升○師○塾○公○謝○絕○請○託○人○不
敢○邀○以○利○聞○閭○巷○有○冤○抑○輒○從○問○代○雪○之○不○令○人○知
而○立○身○端○嚴○自○禮○義○廉○耻○大○界○限○至○於○揖○讓○進○趨○冠
履○飲○食○之○節○畫○線○而○蹈○始○終○相○較○不○失○毫○髮○善○戲○之
謔○露○齒○之○笑○未○嘗○出○口○撥○衣○蹶○足○箕○踞○跛○倚○之○小○過
未○嘗○加○身○嘗○儼○居○里○中○比○隣○婦○挑○之○公○亟○正○色○拒○卒
不○亂○有○友○常○戍○泣○謂○公○吾○必○不○生○還○妻○少○且○更○嫁○矣
如○弱○息○何○公○曰○子○弟○往○我○在○無○慮○也○已○而○友○人○死○公
賑○其○妻○得○守○節○復○爲○嫁○其○女○顧○公○才○識○宏○博○優○于○應
事○甲○戌○流○寇○薄○城○人○心○惶○惶○公○率○士○民○登○陴○捍○禦○晝
夜○寒○暑○躬○冒○艱○苦○間○出○奇○兵○破○賊○賊○解○去○城○獲○全○已
復○捐○貲○修○雉○堞○備○糗○糧○爲○桑梓○綢繆○計○楚○中○當○事○咸
稱○劉○孝○廉○戰○守○方○畧○云○未○幾○病○卒○卒○時○無○他○款○囑○語
正○襟○危○坐○手○執○一○卷○以○逝○
論○曰○漢○揚○公○有○云○我○有○三○不○惑○者○酒○色○財○也○則○財○色
之○於○人○甚○矣○哉○吳○中○習○尚○以○風○流○嘯○達○爲○高○遠○色○安

貧且以爲固爲陋而爭調之視劉先生何如耶一語
要約沒身不侵樂道安貧至死不悔潔身修行斯固
章纜之羽儀矣

姜文學傳

等

公諱瀉里字爾岷別號漢洲山東萊陽人給諫公塚
行人公塚父也公負至性生有異質湛寂好古父挺
城翁固高士不屑俗學以好古滯諸生山居吟嘯不
入城市公從父學文益奇位置在先秦東西京間不
知魏晉下爲何物關中文太青先生翔鳳世所稱楊
子雲張平子也相天下士無當意者令萊陽獨奇公
文首置之以此關東太青吾道不孤矣久之以奇
不售貧益甚又喪父手自庀墳墓與一老僕分步策

塞從四千里外○攜甘脆歸奉北堂○以其餘給隣里○
獨或間出收道殍○公雖一貧諸生乎○而高風勁節○
動閭里○天啓末逆璫建祠趨者蟻附○公危言侃侃○
此得過有司○或且跡之○公急攜家入山○變姓名爲人○
耕傭哀詔至○公從縣官後哭至失聲○或問曰○子爲諸○
生何哭○公曰○吾知爲臣子○不知爲諸生也○時給諫大○
行○各負摩霄聲○公顧不急急課兒○辛未給諫成進士○
令真州○公奉太夫人上下真州○給諫爲令酷廉菜蕪○
之甌塵滿○公樂其冰菓無幾微動色○真州父老信公○

如公之信其子○給諫留滯墨綬○幾十年始以治行高○
等擢省郎○而行人公庚辰亦舉南宮○鄉里貴人日過○
從者戶限爲穿○公乃旋戶○時時召窮巷舊識舉酒割○
鮮曰○朝廷多故○吾雖藿食不能忘杞人憂○卽兩兒幸○
奮跡天衢○安能如隣叟相守之樂○雖然滄海橫流○竊○
懼我輩欲長守丘壠○亦不可得耳○未幾北師入薄萊○
城下○公發砲中北帥首○北兵爲退舍○亡何北兵夜襲○
城○公率親丁巷戰○刃中於臂○被執去○索金帛自贖○公○
慷慨大言曰○吾兒爲清官○聞天下○吾受國恩○歿卽歿○

安得俯仰乞命。或勸公微服從竇出。公不可。遂遇害。時年六十有一。季子坡從城東趨。至抱父屍大罵。被執去。夜舉火焚北帳。北帥覺。嚮殺之。諸姊妹俱歿。訃至。給諫方以言事下獄。大行嘔血上書。臺省交疏請。釋給諫歸治喪。上久心動。乃詔褒嘉。一門義烈。命冢臣議優典。而史官黃公道周誌其墓。

論曰。萊陽之學。傾動海內。首推姜宋。豈齊魯文學。其天性耶。不知醴泉芝艸。有淵源焉。崇禎之季。言攀輪折檻者。以姜給諫為嵩。皆讀大行諸詩歌。流離顛沛。

歸潔其身。子美北征。文山指南。復見今日。非公忠孝。天植孰為開。先夫有刀鋸之心者。不墮魄于雷霆。具松栢之志者。不渝音于風雨。然則大行給諫風節。其百川朝宗。驚濤激電之日乎。若崑崙宿海。是在太公矣。

易文學傳

附子為璉

公諱道暹字曦侯湖廣黃岡人也為諸生以文章俠
烈名海內博涉群書尤工舉子業嘗挾冊浮江淮渡
錢塘訪求奇書異人一時賢士大夫樂從之遊里居
重然諾好施與獎引後進孜孜不倦會崇禎間流寇
蜂起公感額時事中夜寒心約其鄉人立堡建倉日
夕為備禦計由是公復以經濟名亡何賊破英廬逼
黃岡公子為瑚請避公曰邑素恃我無恐今先去為
民望邑必不保吾聞盜賊不入禮義之鄉或不至是

亦未可知其棄之也。而公所著四書易傳詩微諸書。卷帙浩繁。又所購求四方瑰文秘冊。多至汗牛。公意尤惜之。不忍舍去。因貽書與其友曰。不聞天下亂。元道自著書。卒不去。俄而賊益近。為瑚奉母走青峰巖。公不得已。亦驅其僕團奴。擔書偕幼子為璉。璉暨他徒。未及里許。遇賊。賊鄉導固邑豪僕。悉公名。遂語賊。賊擁公暨其子與僕。且笑且謔。問汝何人。公給以遠方書。賈賊熟視之。云汝易曦侯。是知名者。何欺我。公度不免。乃厲聲曰。汝既知我。幸聽一言。村中財物足飽汝腹。幸無殺人。焚廬舍。賊怒罵。謂汝不畏死。為村人言耶。汝遍遊熟道里。肯從我。共享富貴。不則立死。公亦罵死賊。汝為中國百姓。一旦為賊殺人。無算蓋載。不容大兵。四合生磔。汝肉何富貴之。有賊益怒。遣騎縛公于段家店。斬之。為璉同日遇害。督學水佳胤祀公父子鄉賢祠。

論曰。曦侯始以惜書。故遇賊。繼以勸賊。故被執。終又以訾賊。故父子不免。曦侯何不幸哉。夫古之盜賊多矣。陸機昂以功業。而戴淵改節。張綱諭以禍福。而張

麥從善獨非此輩乎。今之盜賊固不如古之盜賊也。然當白刃在前而擁書萬卷，聲色彌厲，此其人爲何如人？盜白不若古耳。父死於前，子死於後，今之易氏昔之卞氏也。嗟乎！曩侯真無忝于名士哉。夫植名節，維名教，然後稱名士。予特表曩侯爲海內名士，勸不獨以愧腰金橫玉之流也。

張烈士傳

君名某，字九也。本江寧諸生，年將三十，力學好竒。丁卯夏，璫禍熾，四方傳僭革矣。君以事將必然，媿不能作。徐翟又耻事，弄莽遂行吟江畔，脫衣冠入水死。嗟乎！死璫諸忠，誰非可不死而死者？至於瀕死，則亦不能不死矣。君風聲未邁，鋤蘭不及天衢，猶杳采蕨，何勞可以不死而死者？君也。然可以死，貪慕之君公矣。吳興茅元儀既紀其事，復爲之咏曰：大明累葉，士風淳死國於君，別樣新。以爾白衣，酬主意。補鍋未必受。

恩人

論曰：烈士殉義高矣。若謂不列班行，即受禪之碑，已
成畫日之筆，既獻猶可不死。然賻田蠲之於齊，李業
之於漢，豈皆紆青拖紫，食人之祿而立其朝者乎？獨
惜止生舉字而逸其名，雖然河西儻東湖樵夫，且弁
其姓，失之又安在不千載哉？

五人傳

五人者，吳人也。首顏佩韋、次馬傑、沈揚、楊念如、又次
周文元。五人生不必同里，閉居恒未嘗通來往，接殷
勤臨事，又未聞握手出肝腑，指天日相然諾以死。一
旦投袂而起，奮身不顧於千萬億人之中，而五人者
俱以烈烈死，嗚呼！又何其志義一行事同信若符券，
不失尺寸也。先是吳吏部周公順昌者，居官廉又善
視鄉，凡利益吳及弊政有不便者，力為當事言以故
吳之人德之。不啻若高厚帖，一日緹騎至吏部，固

夷○然○就○繫○無○所○辭○而○吳○之○人○乃○盡○呼○號○奔○走○謂○忠○賢○
顧○矯○肯○殺○廉○吏○吾○等○會○須○擊○死○若○輩○然○後○泣○血○叫○闈○
請○天○子○劍○斬○忠○賢○首○因○以○白○吏○部○無○罪○會○吏○部○囚○
服○出○候○宣○詔○吳○人○環○泣○而○從○者○萬○餘○佩○韋○率○先○向○中○
丞○訟○吏○部○寬○願○以○身○代○而○念○如○及○揚○雖○故○負○義○皆○不○
習○吏○部○并○不○習○韋○時○亦○偕○衆○乞○疏○免○逮○哭○聲○幾○崩○城○
隅○緹○騎○怒○傑○復○從○旁○大○聲○詈○忠○賢○不○置○緹○騎○按○劍○前○
曰○誰○爲○詈○者○斷○而○舌○衆○大○譟○緹○騎○猶○以○械○擊○沈○揚○文○
元○直○前○奪○械○緹○騎○復○傷○其○額○坐○是○衆○勢○洶○洶○如○崩○屋○
競○呼○擊○皂○衣○者○而○緹○騎○斃○者○二○五○人○亦○卒○以○死○嗟○乎○
逸○闔○之○亂○其○稱○薦○紳○先○生○者○俱○畏○禍○惟○苟○無○已○及○是○
幸○未○聞○出○一○言○訟○不○平○五○人○生○長○編○伍○不○聞○詩○書○而○
激○昂○大○義○蹈○死○無○悔○且○丑○寅○以○來○矯○詔○四○出○金○吾○之○
遣○幾○無○虛○日○自○五○人○奮○臂○一○擊○闔○遠○氣○奪○大○獄○以○止○
五○人○之○烈○亦○偉○矣○哉○方○五○人○初○繫○闈○中○或○慰○之○曰○當○
國○者○吾○鄉○貴○若○必○無○患○佩○韋○嘆○曰○鄉○貴○方○父○事○闈○何○
有○吾○且○吾○等○寧○從○吏○部○死○不○願○向○權○貴○人○求○活○比○臨○
刑○無○所○怖○第○相○顧○笑○呼○忠○賢○詈○之○且○仰○天○曰○吾○等○固○

負義死○非戮民也○遠近聞者○爲之流涕○前一日風雨
暴作○湖水大溢○未幾疏糾吏部倪文煥○敗嘗晝見五
人○戎服帶劔入其室○須臾旌旆數十○導吏部來庭中○
轟如雷聲○大木拔起○屋瓦盡震○咸謂伯有灌夫未足
比○異也○五人死踰年而逆闕○戮虎丘僭祠○除吳賢士
大夫請五人首○葬其址○碑曰五人之墓○翰林張公溥
爲之記○

論曰○吾嘗遊吳○過要離專諸諸廟○義聲尚炙人口○顧
彼獨死○知已耳○五人公正○發憤何所爲○而爲乎○然使
五人者○保全首領○老死闕下○其術業不過市井姓名○
不出閭里○奄然泯滅○亦烏能激揚風聲○與一時義烈○
諸君子聲施不朽哉○

張太學傳

公名大同字同甫號瑤席穎州人原任兵部尚書鶴
鳴長子也爲太學生能文重聲氣與海內諸名士交
乙亥流寇破穎州城鶴鳴避匿他所公居本宅題其
門曰張大相公書房在此賊入擒之強之跪不屈問
其父何在曰要殺便殺吾父不可得也已而張氏奴
導賊於民舍縛鶴鳴歸拷索藏金對以無公爭曰家
財悉我所掌與父無涉賊不聽搜其室見皆古玉及
陶器遂劈鶴鳴頂達踵公搶頭奮臂天罵賊併欲殺

之○旁○賊○勸○曰○既○殺○其○父○姑○留○其○子○但○令○獻○金○贖○命○可○也○公○曰○父○死○義○不○獨○生○罵○愈○烈○賊○先○去○其○鬚○既○復○斫○其○半○面○罵○仍○不○絕○聲○賊○支○解○之○論○曰○張○司○馬○立○朝○頗○爲○東○林○所○不○與○若○太○學○之○慷○慨○激○烈○死○忠○死○孝○幹○蠱○多○矣○

許文學傳

附湯文瓊

公○名○琰○字○玉○仲○南○直○吳○縣○人○也○幼○秉○至○性○嘗○剗○臂○療○親○疾○母○與○內○戚○某○割○襟○爲○聘○後○其○家○中○落○有○富○家○欲○以○女○妻○公○者○時○公○母○已○亡○公○不○欲○母○寒○盟○地○下○卒○就○原○姻○生○平○磊○落○不○羈○少○可○多○恠○對○知○已○飲○酒○酣○則○狂○歌○清○嘯○崇○禎○甲○申○四○月○京○師○變○至○公○素○鄉○居○聞○之○驚○且○疑○踉○蹌○入○城○至○弟○璜○家○問○之○果○信○乃○仰○天○大○慟○誓○不○與○賊○俱○生○自○顧○齒○衰○力○弱○不○任○馳○驅○欲○遣○伯○仲○二○子○從○軍○自○効○乃○祭○告○先○祠○而○遣○之○又○念○匹○夫○力○難○殲○

敵○必○得○卿○大○夫○同○心○戮○力○毀○家○募○士○樹○義○旗○北○向○滅
此○朝○食○因○徧○叩○羣○公○門○告○之○莫○有○應○者○始○徬○徨○歔○歔
知○事○必○無○濟○誓○從○先○帝○九○原○為○厲○鬼○殺○賊○是○時○哀
詔○未○至○因○少○緩○須○臾○待○之○五○月○午○日○過○友○人○家○見○几
供○葵○榴○愀○然○不○樂○復○出○蒲○酒○相○勸○公○怒○髮○衝○冠○擲○杯
於○地○正○色○厲○聲○曰○今○何○時○哉○吾○輩○讀○聖○賢○書○明○大○義
醜○顏○旦○夕○已○非○所○安○猶○欲○飲○食○晏○樂○如○平○日○乎○拂○衣
竟○出○於○時○城○中○巨○室○相○率○挈○妻○子○携○輜○重○竄○避○湖○山
問○公○是○日○歷○走○其○家○罵○之○初○九○日○諸○生○聚○哭○明○倫○堂

薦○紳○孝○廉○或○至○或○否○或○縞○素○或○常○服○甚○至○有○張○蓋○者
衆○羣○誅○且○詈○公○衰○杖○躡○踊○哭○泣○盡○哀○良○久○猶○匍○伏○不
能○起○諸○生○中○有○攘○臂○大○言○者○公○獨○謂○天○威○咫尺○進○退
惟○謹○十○一○日○諸○生○猶○哭○臨○御○史○某○來○謁○文○廟○鼓○樂○導
從○吉○服○而○入○公○望○見○大○駭○率○諸○習○禮○者○趨○而○前○褫○其
袍○帶○責○以○大○義○御○史○惶○悚○謝○罪○去○南○都○以○是○月○初○三
日○卽○監○國○位○遣○使○布○告○天○下○顛○自○三○月○十○九○先○帝
賓○天○至○五○月○十○二○已○踰○五○旬○朝○廷○尚○未○發○喪○公○嘆○曰
吾○本○艸○莽○臣○既○與○諸○生○私○哭○學○宮○心○已○盡○可○遄○死○矣

於是徑趨真武廟。出素帛自經。羽士陸某聞屋中有聲。亟出解之。問其里氏。不對。固留之。不可欲送還。又力却之。獨步出閭關。臨河而嘆。謂城市濁流不足投吾軀。且多人必見阻。遂折而南至胥門。見河廣流深。曰。此胥江也。吾其畢命於此。與伍相國忠魂上下。怒濤乎。遂躍而入。適潞藩泊舟江干。遙望見。遣人馳救。得不死。王趨召公問故。公告以情。且言君仇不可不報。京師不可不復。逆寇不可不誅。臣子不可不死。吾之爲此。非惡生也。特以愧今之食其祿而不能死其難者。王大義之道。旁觀者如堵。有識公者。強掖歸家。人知其事。咸固守之。欲伺間死。不得。益怒甚。遂晝夜號呼。絕粒。勸之食。堅不受。但飲杯酒。日聊以澆吾礪塊也。五月十九日。語以哀。詔至。就庭中北向叩天。哭失聲。遂絕飲。并不復言。人間事及身後。計賦三絕句。志感至。六月初三日。向空三呼。先帝嘆目。浩歎而卒。卒之日。同人丘氏瞻輩。爲之棺斂。私謚曰潛忠先生。一時會弔。凡數千人。詔贈翰林院五經博士。同時

燕中布衣湯文瓊聞先帝變。自刎死。書其身曰位

非○文○丞○相○之○位○心○同○文○丞○相○之○心○暴○屍○都○市○見○者○哀○
之○亦○贈○中○書○舍○人○與○公○並○祀○金○陵○旌○忠○祠○
論○曰○代○皇○帝○遜○國○無○位○自○沉○者○有○東○湖○樸○夫○史○逸○其○
名○然○安○知○非○通○侯○重○臣○變○姓○易○字○慮○禍○及○宗○族○故○以○
死○滅○跡○未○必○真○書○生○殉○國○如○許○公○也○唐○祿○山○之○變○甄○
濟○引○頸○待○刃○宋○德○祐○之○亡○太○學○諸○生○徐○名○獫○舉○宅○自○
焚○庶○幾○與○公○頡○頽○天○濟○不○死○臣○祿○山○應○德○不○死○亦○將○
就○食○易○姓○之○粟○豈○若○南○都○定○鼎○正○朔○如○故○公○尤○可○以○
無○死○哉○然○則○公○與○湯○公○真○古○今○獨○絕○矣○

鄭職方傳

附僕殷報

公諱元勳字超宗南直歙縣人也籍揚州十世祖居
貞官參政與弟道同官御史同殉建文帝難時稱
雙忠公幼承家學自負不凡髫年應童子試輒冠軍
自是名籍甚所選制舉莠海內不脛而走天啟甲子
魁鄉試累赴公車會思宗銳意求才甄別孝廉撫
按交章薦公才略奉詔徵辟以母老辭不赴至癸未
成進士第三人旋假歸亡何賊陷北都自河以南所
在驚擾或勸公爲避地計公痛哭曰維揚爲東南屏

障○維○揚○棄○則○東○南○不○可○保○吾○雖○無○官○守○責○世○受○國○恩○
誓○與○城○俱○存○亡○矣○乃○首○先○捐○餉○練○義○勇○三○千○人○晝○夜○
登○陴○日○不○交○睫○反○側○備○息○而○不○敢○動○皆○公○力○也○未○幾○
興○平○伯○高○傑○至○揚○揚○人○懼○閉○門○拒○守○撫○道○府○縣○未○通○
情○款○傑○怒○將○攻○城○勢○且○岌○岌○公○念○切○桑梓○之○慨○然○單○
騎○往○謁○陳○說○大○義○傑○爲○感○動○立○擧○廂○兵○於○五○里○外○以○
待○犒○賞○後○行○越○日○暫○啟○兩○門○乃○好○事○者○復○取○城○外○遊○
兵○而○翦○之○以○利○其○橐○傑○益○怒○積○不○可○解○舉○國○若○狂○謗○
書○叵○測○公○亟○請○撫○道○嚴○門○禁○捕○訛○言○且○迎○原○任○薊○督○
王○公○永○吉○至○郡○往○爲○解○紛○傑○以○揚○民○先○殺○啟○釁○爲○辭○
且○請○與○中○丞○約○曲○在○兵○者○鎮○斬○之○曲○在○民○者○撫○斬○之○
永○吉○以○傑○言○傳○覆○公○而○二○三○奸○徒○駕○言○黨○高○洵○洵○思○
逞○二○十○五○日○公○徒○步○登○南○城○與○撫○道○議○事○萬○衆○俱○集○
公○謂○如○高○鎮○言○先○殺○啟○釁○誠○當○禁○懲○否○則○構○禍○且○不○
測○衆○以○高○兵○殺○人○罪○不○容○逭○公○曰○亦○有○楊○誠○戕○賊○者○
豈○盡○由○高○鎮○耶○言○未○畢○而○渠○魁○張○自○強○王○柱○萬○陳○嘗○
等○大○呼○鄭○宜○通○賊○曲○爲○解○免○吾○儕○若○不○下○手○勢○必○盡○
遭○屠○滅○於○是○羣○兇○鼎○沸○利○刃○攢○集○公○遂○遇○害○義○僕○殷○

報以身護主。同被創死。蓋營將有揚誠者。標兵多不法。往往殺越人於貨。故指及之。而衆悞認楊誠爲揚城公。遂及於難。先五日。南都授公兵部職方主事。竟未及拜官。云督輔史可法具疏。特參撫道議處。越數日。中丞乃廉得渠魁。前三人斬於市。并杖其黨。而斃之。自後揚人常夢見公於城上。義冠徘徊指揮而過。若天神然。公內行淳備。至性過人。才篤二親。仁孚九族。友於手足。敦極天倫。而倡行義事。助發善因。封久暴之棺。濟垂危之衆。常有知交。觸怒大璫。璫欲中以危法。公憐其無妄。而庇之。禍及已。不爲動。尋璫敗。得免。又塩賈某爲仇。所中幾麗大辟。公爲慷慨力爭。卒白其寃。不令之。知其爲人排難解紛。類如此。生平慎廉隅。敦聲氣。擔簦跣屣之容。懷書仗劍之儒。黃冠羽衣之徒。赤髭白足之侶。莫不折節下交。雖片善必錄。自其爲諸生時。卽留心時務。督撫大吏咸式廬咨訪。必爲侃侃指陳利弊。凡一舉念一啟口。未嘗不在國事。民情人才世道之關。而剛腸嫉惡志。皜秋霜。不能容人。意所不合。雖強禦不畏。詩畫妙天下。所著有讀

史論贊英雄令終錄英雄恨左國類函文娛一集二
集諸書行世

論曰余束髮讀書卽知海內有超宗先生及游邗江
而稔知先生不獨以文章顯也夫使先生身列木天
竟其黼黻之用金鑿視艸玉殿捧牀儒林文苑必有
偉觀卽不然而委以事權獨當一面吾知其胸中武
庫當有賢於十萬甲兵者而遭時不造謗語橫生祗
以調劑兵民又安桑梓之故斷骸析骨致罹慘殺嗚
呼良可悼也吾見世之爲鄉紳者多以魚肉鄉閭爲
事其賢者不過閉戶好脩鮮有爲地方籌利害計興
除者觀于先生其亦知所自處矣

馮孝廉傳

附周二南

公名一第字根公長沙人天啟丁卯舉人以詩文名
湖南崇禎癸未八月賊陷岳州岳鎮孔某率兵走長
沙郡中恇擾推官蔡道憲與鎮臣尹先民誓衆固守
躬自持釜餽出粟食兵與孔相犄角賊至兵潰二鎮
俱降于賊道憲被執罵賊死公走湘鄉將乞師西陽
以圖賊賊僞守聞遣人執其母兄求之公不忍其母
兄乃出至長沙就縛將斬之一老僧伏地哭請免公
乃斷兩手置營中一夕死湘鄉人果逐其僞令出湘

潭與賊戰不利而聞大軍自醴陵來賊乃棄長沙走
其母兄竟得免云公以盛名故為賊中所知不能自
全其死公本姓熊其先世贅于馮承其姓及將死乃
率妻子告于先人作復姓文有云願我子孫遠絕浮
名思全性命又有自弔文一篇友人郭金臺為序公
與蔡公事并詩文傳之同時死者又有長沙知府周
公二南氏籍未詳

論曰自流寇發難而海內知名之士以及抱義之夫
身殉國家者何可勝道而馮公其最著云馮公不特
以一死殉其君且以一死全其母全其兒忠孝與
殆兼之矣

郝烈士傳

隋通州

君名奇遇字會明直隸栢鄉人也世為農優游南畝
 無心仕進。硜硜自守。時人未之奇也。甲申春賊李自
 成由秦晉破都城。文武多投降者。君實痛且憤。念
 熒一書生。既不能為程嬰。公孫杵臼之行。又勢孤力
 寡。不能倡義討賊。乃謂其妻趙氏曰。我欲死義。爾能
 從乎。且死者人之所難。亦非兒女所辦。爾其勿阻吾
 事。妻曰。夫子將蹈高節。妾敢以身辱。請先之。其夜即
 飲藥死。君不舉哀。不成服。次日瘞之。祖塋之側。令兩

第○召○其○親○舊○與○之○永○訣○且○散○其○家○所○蓄○衣○糧○以○爲○殮○
其○親○舊○咸○止○之○且○爲○解○曰○昔○衛○孔○伋○之○難○子○路○欲○死○
子○羔○曰○政○不○及○已○不○踐○其○難○今○以○草○茅○賤○士○而○捐○軀○
殉○國○勿○乃○爲○名○乎○君○悵○然○曰○嗚○呼○是○何○言○士○固○有○志○
身○死○則○心○安○且○吾○將○以○媿○今○之○士○夫○懷○二○心○而○事○其○
君○者○也○或○又○以○無○後○爲○言○君○悵○然○曰○忠○孝○豈○能○兩○全○
哉○吾○志○決○矣○衆○知○其○不○可○回○同○兩○弟○更○番○坐○守○君○舉○
動○談○笑○如○平○日○自○日○防○衛○稍○踈○遂○飲○藥○以○死○鄉○人○義○
而○共○殮○之○同○時○又○有○通○州○童○生○姓○氏○不○詳○家○貧○母○老○
聞○賊○入○京○槌○胸○痛○哭○不○食○而○卒○
論○曰○上○讀○書○明○大○義○似○忠○孝○自○矢○竟○有○親○顏○泛○賊○不○
封○死○義○者○在○彼○是○夫○身○不○親○師○傳○目○不○唱○詩○書○何○可○
爲○而○爲○此○誠○倭○餽○曇○花○不○一○再○見○矣○乃○一○個○語○明○身○
先○居○亦○奇○女○子○哉○

胡烈士傳

附程龍等

公名光翰，潮廣郎諸生也。性英烈，處鄉里，睹不平事，往往毅然身任之。崇禎十年，流寇猖獗，襄郎爲墟，公乃約鄉父老爲撫按陳寇禍，慷慨涕泗，激以忠義，軟血糾集鄉勇，立約束而部署之。自是賊過其堡者，相戒不敢犯。會有奸徒管某者，爲賊導以攻堡，公竭力扞禦。久之，糧盡勢迫，援兵莫發，公仰天太息曰：吾糾合諸衆，冀得保全鄉里父老及宗族子弟耳。今事敗，當事素怖賊，脫聞吾等圍急，掩耳床下，伏耳豈能相

君○和○異○勇
援○死○矣○復○何○道○衆○皆○掩○面○哭○不○止○越○日○公○語○其○徒○曰○
吾○爲○若○先○萬○一○得○突○圍○出○卽○不○然○吾○往○以○死○當○賊○諸○
君○乘○間○走○可○也○乃○率○衆○衝○陣○戰○良○久○賊○益○四○面○蝟○集○
公○力○不○支○猶○手○格○殺○數○賊○被○創○死○之○是○年○賊○寇○安○慶○
我○兵○敗○走○總○兵○程○龍○以○火○藥○含○咲○自○焚○死○守○備○陳○于○
玉○部○下○兵○士○欲○豈○以○行○于○玉○曰○此○乃○我○死○所○也○卽○提○
刀○自○刎○而○死○把○總○魯○○○○
而○死○把○總○王○○○○
營○血○戰○而○死○把○總○○
合○圍○生○擒○鬻○分○其○肉○而○死○守○備○王○弘○猷○勢○窘○被○執○賊○
喜○其○技○勇○將○留○之○弘○猷○不○屈○大○罵○至○於○踞○齒○斷○足○猶○
不○絕○聲○而○死○守○備○莫○顯○驛○新○得○武○科○不○願○會○試○自○請○
討○賊○陷○陣○而○死○把○總○唐○世○龍○因○事○已○去○不○肯○獨○歸○離○
險○鏖○戰○馬○蹶○被○砍○而○死○千○總○王○定○遠○經○革○戍○皖○累○報○
獲○功○而○一○目○不○視○虛○擲○前○勞○以○死○千○總○周○嘉○方○一○月○
新○婚○慷○慨○請○纓○力○戰○陣○亡○而○少○婦○王○氏○善○哭○其○夫○卒○
絕○粒○投○繯○以○死○其○他○若○張○全○斌○俞○文○夔○顧○應○宗○蔣○達○
潘○象○謙○季○靖○俱○先○後○同○事○死○

論曰流寇倡亂十餘年。顧子聞之。楚友云。賊畏死甚。於人。諸屠破邑。見衆持挺聚立。卽詭言若遽釋挺當貸若死。不聽。則亦不敢近。有怒罵馳馬去耳。使鄉野小民盡如胡公。而當事者肯犄角救援。則賊安能蹂躪殘破。如入無人境乎。胡公敗。由管奸何異李陵事。後先不爽耶。撫議成於熊文燦。樞部楊嗣昌。從中主之。遂竭東南之力。不能奏車攻之功。海內困竭。皇陵震動。將祖宗金甌無缺之天下。斷送賊手。嗚呼。誰生厲階。至今爲梗。恨不請尚方劍。戮佞臣尸矣。

陳孝介傳

公諱愚。字元朴。湖廣應山人也。祖之良。仕刑部郎。以戇直忤時。放斥林泉。未竟。大用。父一極。官學博。砥礪如修。爲後學所歸。庭訓最嚴。時時爲述。古人忠孝大節。公雖幼。喜詳問。丙夜不休。以故壇墀。彥會。商居末座。而文事獨爭推先。冠蓋車馬。競走其門。比之郭有道。任敬子。顧獨與楊忠烈公。漣爲生。歿交氣。誼同於胞乳。萬曆己酉。登鄉書。徒步緼袍。杜迹公門。益以理學風節爲已任。存彭生者。少孤而抱抑。公爲直其事。

於當道餽之金。卻不受。撫諸侄。及族妹。代治婚嫁。幾
餘人。其他解衣佐餐。施棹捐金。歲無虛月。獨性耿
介。不合時宜。而一時人望靡不披襟結納。擔簦吳會。
所至倒屣。如文文。肅姚文毅。高忠憲。輩皆以道義聲
氣。若平生。癸丑丁外艱。齋戒三年。卜葬躬負土。杵
築。結茅墓。傍豺虎。雨雪。不爲少避。銘其室爲永慕云。
顧公尤明悉世務。嘗勸庶幾。默護元氣。無爲禍始。忠
烈告歸時。朝賢郵筒相傳。雖午夜隔垣。必共商確。後
忠烈自疏。璫二十四罪。公聞喟然嘆息。謂其賈禍行

且盡殺諸賢。及赴逮。知其不還。獨騎送千里。泣別曰。
公此行。生則劉松石。死則李元禮。復何恨。徒以老母
在。未敢從君。赴易水耳。比忠烈死。詔獄藉家產。十不
得一。公爲經紀後事。走漢濱。適吳越。匍匐措貸者踰
年。且爲藏其幼子於廬山。會逆璫敗。事得白。戊辰。公
卒。學者私謚孝介先生。督學高世泰。祀入鄉賢祠。
論曰。丈夫激於義。安問死生。若北郭騷之於晏子。恩
信之死友也。陳容之於臧弘。氣節之死友也。辛京說
之于杜鎬。患難之死友也。杜牧之于李賀。文章之死

友也。或曰魯國男子孔璋素不識李邕而乞代李處。然則公何不爲孔璋。是不然。奄魏毒痛飛而食肉。公若入讐內鴻毛於鉅鑪耳。于忠烈奚益。夫忠烈雖死於國而有公爲理其後事。卽忠烈之未死於其家。藉令公而與忠烈登朝。其爲託孤寄命大節。豈少讓哉。聞忠烈就逮時。公母張孺人命之曰。汝不記與楊公登堂拜我耶。楊公爲忠臣。汝能爲楊公死友足矣。無以我故負楊公。嗟乎死生患難如旋風怪雨。而公不以晦冥易節。乃其母亦女中烈士矣哉。

張孝廉傳

附子允集九集

公諱民表。號林宗。河南中牟人。宮保孟男之子也。萬曆辛卯舉於鄉。十上春官。不第。年七十有三。死於水。公性嗜古文詞。藏書數萬卷。手自點定。喜飲及草書。飲少許。卽頽然。揮酒放筆。謂有神助。好施予。喜結客。家遂中落。有廬舍在夷門內。五十年不一葺。賓朋滿座。意豁如也。早歲歸心竺乾。爲普門弟子。中年與嵩山無言心月諸堂頭相扣擊。雖涉婚嫁。燕處超然。其狂俠好客。則老而彌甚。時時往中牟蕩舟于郭外之

南○陂○客○至○卽○粒○與○俱○無○日○無○客○無○客○不○醉○頂○高○冠○飄
三○帶○帶○上○繡○東○坡○半○升○僅○漉○淵○明○酒○三○寸○纔○容○子○夏
冠○之○句○乘○敗○車○無○頂○幔○一○老○特○牽○之○朗○吟○車○中○每○日
醉○陂○頭○老○杏○下○門○人○子○弟○扶○掖○而○歸○兀○傲○自○放○世○莫
測○其○淺○深○崇○禎○壬○午○寇○圍○大○梁○公○勸○當○事○密○檄○左○寧
南○趨○大○梁○背○北○城○而○陣○通○黃○河○一○線○以○爲○餉○道○又○當
令○陳○永○福○兵○列○城○外○勿○聽○入○入○則○城○中○餉○竭○勢○且○民
與○兵○俱○盡○皆○不○聽○寇○暫○却○或○諷○之○曰○盍○去○諸○公○曰○死
則○死○耳○奈○何○去○以○爲○民○望○乎○圍○城○五○閱○月○日○夜○登○陴

拮○据○行○間○汴○人○倚○之○皆○守○死○不○去○水○灌○城○負○先○人○神
主○抱○詩○文○藁○三○尺○許○登○木○筏○顧○求○登○者○衆○公○不○忍○却
移○筏○就○之○筏○且○沉○乃○移○筏○登○屋○屋○上○人○垂○縵○相○接○公
髦○且○乏○食○數○上○下○者○久○之○水○大○至○而○沒○次○子○允○隼○及
門○人○文○大○十○皆○從○焉○長○子○允○集○泗○水○至○西○城○請○救○父
罵○賊○而○死○幼○子○允○隼○憑○浮○木○依○老○僕○婦○懸○屋○上○垂○兩
日○夜○老○婦○餓○欲○噉○之○急○附○浮○木○順○流○下○得○渡○舟○以○免
賴○公○門○人○周○亮○工○求○得○之○撫○諸○其○家○而○公○之○遺○骸○則
故○汴○撫○高○名○衡○斂○而○葬○之○柳○園○云

論曰士剗心膈下。夔績殘潘倖博一第。輒沒首蠅頭。中求其稍异流俗者寡矣。况能堅練窮約抗志柴門。乎。張公經明行修。可自致光寵。乃徜徉詩酒。獨高桑。樞甕牖之風。豈帝里花香不易。深山菽粟與至於躬。守危城與波俱殉。公於是乎不朽矣。

劉廉傳

公名會昌字凝禧直隸清苑人也。幼負奇氣長古文辭十歲居父喪哀如成人禮崇禎三年舉於鄉能任大事負氣敢往甲申闖賊北犯偽檄數至時秦晉及畿南諸郡望風迎款公素負膽畧倉卒倡義同鄉紳光祿卿張羅彥暨兄進士羅俊誓死守禦崇禎十七年三月十九日北京陷賊急攻城至二十四日賊撤水涸陞雲梯蜂進砲矢風發公率城兵屹然岳立指搗如平時適西南城樓爲賊火箭所焚西北角樓下

穿數穴併力進攻。城破賊拽公于西關古廟。擁鋒刃。問京城久破。數省盡降。爾何敢拒。公裂眦罵曰。我本布衣。無官責。但恨天下無人。致爾小醜。淪陷宗社。欲鬻食。李自成肉以報先帝耳。鬚髮橫豎。賊愈憤。夾打三次。然驚其勇。百計誘降。終不屈。遂斷首懸西關街市。鄉人士爲建祠祀之。而羅彥兄弟亦同死。最烈云。

論曰。燕趙之地。蓋古漁陽。上谷。史所稱矜名節。重義俠之鄉也。忠臣烈士蔚然。代興猥以道遠。莫繇採訪。

如劉君者。以孝廉而倡義于人心。瓦解之日。以一郡而死守于神京。淪陷之時。不亦難乎。

殷秀才傳

公名淵字仲泓雞澤人先世爲農家父諱大白歷官
關南道兵備副使公少爲舉子業奇肆不循繩尺屢
試輒不售隨其父往來川陝舞筍擊劍常以數騎破
賊萬餘賊中驚傳殷公子神勇不可犯會楊嗣昌督
師自言于上賊旦夕可平已而連陷兩藩賊益猖不
可制乃誣劾公父逗撓失機圖委罪自卸公被髮徒
跣詣京陳寃狀不報乃結死士爲後圖未幾嗣昌敗
自縊死公時時痛哭流涕以不及剗刃其腹爲恨甲

申賊至檄諸生就選較不應且死或勸之公叱曰好頭顱暫寄項上耳賊必不可見也已而聞先帝變公約山中義勇入城擒賊偽令秦植踉蹌出走公呼集邑中父老子弟曉以大義發喪行哭臨禮尋以機事不秘爲市蠹郝標等所舉公爲賊殺懸首城門年僅三十有八公平生剛介多大節每事好過人性至孝從父萬里外數年不一顧其室中衣履輸手自洗濯卽父行事或未當必辨論侃侃嘗言事父猶事君不以諛諾爲孝足跡半天下所祇服不數人與廣平

申涵光以文章道義相許不欲苟安流俗公死後見殷岳具疏上聞于朝岳字伯巖庚午舉人以詩文名論曰甲申國變所至風靡君臣之倫不絕如髮公以一老諸生提三尺七首倡義誅賊事雖不成不可謂非烈士也抑予又聞公未舉事前數日其配岳夫人病聞賊至祈速死卒以不近醫藥遂歿嗚呼亦足觀公刑于之化矣

姚文學傳

公名時中山西保安州人也爲諸生廩於庠讀書守禮志行高卓生平持論迂古多與儕輩不合落落無偶聞賊將薄城誓以死殉妻子苦勸戒不令出門甲申三月賊至保安合州紳士無不往迎諸生皆儒衣冠而出公亦效之給其妻子今當隨班旅進不者禍及汝曹妻子信之聽其行見同學紛紛在途公抗聲曰所貴郊迎者恐武人與之爲難以示帖服也我輩書生本無相角之勢只宜閉門靜坐俟其召而後往

不○失○為○歸○順○奈○何○伏○謁○道○旁○將○廉○恥○喪○盡○乎○衆○以○為○
撓○阻○羣○唾○其○面○人○皆○向○南○行○獨○公○家○在○西○更○折○而○東○
至○學○宮○四○拜○先○師○又○望○北○四○拜○題○絕○命○詞○八○句○於○壁○
起○曰○殺○賊○無○權○辱○身○不○義○末○曰○妻○子○無○知○何○足○與○計○
中○四○句○失○之○矣○隨○拴○大○成○殿○楹○而○以○繩○繫○楹○上○與○孔○
子○木○主○正○對○縊○死○明○日○有○學○役○見○之○衣○冠○端○好○面○色○
如○生○白○於○學○博○學○博○以○為○不○祥○命○昇○屍○於○宮○牆○外○路○
人○嘆○息○質○棺○殮○之○后○李○鑑○舉○義○奉○朱○忠○壯○軀○於○中○堂○
而○以○公○樞○侍○側○配○饗○皆○易○棺○殮○哭○奠○三○日○并○葬○於○忠○

壯墓傍一時榮之

論曰朱忠事雖不詳猶以名傳若姚君則泯滅無聞此蓋得之吾友陸竺僧云竺僧博學著書所纂廣紀一編大有裨於人心世道予每稱為畏友嗚呼安得斯世盡如竺僧其人者而與之楊於千秋表章絕業也

秦將軍傳

公名衍，字裕，嗣河南修武人也。少學孫吳兵法，有
膂力，挽數石，弓初從左將軍良、王黃將軍，得功轉戰
有聲。賊陷京師，公變姓名爲編氓，潛共城山陽間。時
駝峰諸土寨，揭竿嘯聚，以搶掠居人牛馬爲事。公每
薄暮輒跨馬出，持兵械伺道傍，遇賊輒殺之，賊憾甚。
會原任大司馬張公縉、彥破家起義，聲震河北。公率
馬步數十來會，多斬獲功。張公以公勇冠諸軍，推爲
大帥。公勒兵過嚴定，軍書犯者輒死，而麾下楊恩等

固前土寨中人也。心疑懼，遂夜襲帳中，公格殺數人。遂遇害。張公乃廉得罪人而斬之。公死數日，有土人某竊公一牛，人不知也。自晝行道中，墮驢。太守秦將軍殺我五竅流血立死，人咸頌公神明。張司馬爲之傳。

論曰：余聞將軍號勇絕倫，奮公義而絕私仇，以及于難也。將軍其張桓侯之流，亞與顧桓侯卒佐三分之業，而將軍不克襄一戰之勲，事之成不成，天也。顧可

英雄哉

石義士傳

義士名電，嘗熟人也。世爲丐，僑居長洲之彩雲里。崇禎八年，流寇躡中都圍桐城，江南震動。義士所與游同志陳英從指揮包文達往援，要義士與俱。義士曰：吾老矣，不食軍門升斗粟，奚而往？英曰：我輩平居以君爲眉目，君不往，是無渠帥也。幸強爲一行。義士曰：諾。襆被而出，終不反顧。二月十二日，追賊于宿松。我師恃勇輕進，陷賊伏中，文達死之。義士與英分左右翼搏賊，自辰至晡，殺賊無算。英躓被擒，義士大呼往

救○賊○圍○之○數○重○義○士○力○盡○舍○鎗○手○弓○射○殺○數○人○賊○羣○
斫○之○頭○既○斷○猶○僵○立○爲○擊○刺○狀○良○久○乃○仆○皖○人○招○其○
魂○祀○之○余○忠○宣○廟○下○義○士○身○長○髭○赤○能○挽○強○超○距○尤○
精○于○鎗○法○有○善○鎗○者○典○衣○裹○糧○不○遠○數○百○里○盡○其○技○
而○后○已○遂○以○鎗○名○江○南○性○椎○魯○重○然○諾○所○至○盡○結○其○
豪○傑○諸○無○賴○惡○子○具○半○酒○持○百○金○願○交○驩○義○士○掉○頭○
去○之○惟○恐○不○速○也○其○豪○俠○不○可○一○世○若○此○虞○山○錢○宗○
伯○謙○益○紀○其○事○

論曰義士捐軀報國身膏原野而卒不得與于死事

之○血○豈○以○其○巧○而○微○之○乎○正○須○我○輩○三○寸○管○表○而○出○
之○一○時○之○國○典○雖○虛○千○秋○之○野○史○自○在○若○義○士○者○其○
亦○可○以○免○于○巧○矣○

朱孝介傳

公諱陞宣字德升南直吳江人也世有隱德父復中
公落拓不治生讀書教授爲業公少無師以父爲師
依依膝下無頃刻離嘗出就童子試見衆擁擠以戀
父不願入比入輒首錄卽成人後猶戀戀如嬰兒在
母抱也舉萬曆壬子鄉試或爲公喜曰今之新貴不
過志温飽耳公笑謝之益儉約自矢不苟受人一錢
家西山下破屋頽垣嘯歌自得往來者不識爲孝廉
居居恒足跡不入城市不造公府闔門無事惟日以

娛親爲樂先遭母去人喪羸骨如枯枝念復中公春
秋高則時時破涕爲歡苧幃布衾長年侍寢于病榻
之側凡一糜一菜一湯一藥以至中單澣溺之類靡
弗躬親幾度春闈獻歲而行甫竣事卽歸未嘗有三
月淹至戊辰歲絕意公車口饜粗糲妻子不免飢寒
而所以娛親者無所不至志物兼備父沒哀毀一如
喪母家酷貧力構美材無纖毫遺憾生平重然諾寡
交游與周忠介爲總角交而姚官詹希孟文閣學震
孟張孝廉世偉皆以道義相與方縱騎逮周至郡親

朋多辟走公整毛髮手足以就之撫膺涕泗翼捍周
旋迨開讀變起狙擊狼籍公奮不顧身先後其間事
聞幾蹈不測會天幸得免未幾公病卒屬纊前惟以
經兩大喪婚嫁多舉責未償葬不身親爲念歿之
日視歛者三百餘人相嚮哭皆失聲崇禎甲戌巡按
御史祁公彪佳以真孝廉三人疏請於朝用示風厲
得旨贈公翰林院待詔蓋異數云學者私謚孝介先
生
論曰先生登賢書三十餘年束躬砥行以一身爲名

教宗吳風不競。賴先生振起之。磨鳳皇岳。遠近瞻仰。布章之望。重於公卿。所謂孝則天下之至孝。廉則天下之真廉也。後之君子。甫捷賢書。間里赫奕。黃衫綠幘。狼戾鴟張。無敢睨者。聞先生之風。亦或稍自省哉。

張孝節傳

公諱世偉。字異度。直隸吳江人也。祖椿爲名孝廉。贈翰林院待詔。公少有至性。七歲喪母。朝夕上食。號慟。塾中書生。皆爲流涕。事父及兄。克盡孝弟。長而明惠。善屬文。游婁江。弇州太原兩王公。歎息以爲國器。所選慶曆小題。行世二十餘年。前輩俯首而聽。其黜陟。後生企足以奉爲楷模。三百年來。搢觚之家。所未有也。萬曆中。門戶科場議起。公扼腕樹頰。多所題覈。裁量壬子舉。順天鄉試。出新城王公象春門。黨人大譁。

御史某呈身排擊廷翰之時○法司言張生故貧士○或
不應有它弊○只與王進士往來○送文字拜門生理○合
有之○公抗言○王進士年少○於我知名○出我後○若有送
文字拜門生事○便是無恥之尤○寧認關節○不能認拜
門生也○法司大駭○稱此生到此○尚如此○焉得不招人
忌○卒不能有所染○坐罰三科○累試不第○謝公車以老
撫按交章薦不起○巡撫張公國維○巡按御史祁公彪
佳○相率踵門○輒令子若孫○以病謝○不爲下榻○亦不報
訪及鄉邦○有大利弊○郡邑必躬自造請○撫按必手書

商○推○公○直○言○無○隱○當○事○奉○以○周○還○不○敢○有○所○進○退○時
吳○門○五○君○子○以○名○行○相○鑑○礪○文○文○肅○則○公○執○友○姚○文
毅○則○公○高○弟○周○忠○介○朱○孝○介○皆○公○後○輩○當○忠○介○遭○菴
禍○公○周○旋○經○紀○奮○臂○出○人○視○緹○騎○惡○子○市○駟○伍○泊○如
也○所○居○吳○門○涿○水○園○誅○茅○灌○畦○却○埽○誦○讀○清○談○竟○日
樸○蘇○不○變○爲○古○文○辭○取○裁○韓○柳○每○一○削○稿○伸○紙○點○善
不○知○老○之○將○至○自○號○泌○園○叟○其○歿○也○家○無○餘○貲○司○李
倪○長○珩○往○賻○乃○得○發○喪○得○年○七○十○有○四○友○人○錢○謙○益
題○其○銘○旌○爲○孝○節○生○云

論曰張先生可謂真孝廉矣。屏跡丘園二十年來。吳之吏有所規。士有所做。民有所賴。先生何以得此也。先生之祖靖孝公。純修懿行。師表人倫。歿六十年而贈官立祠。先生且克世之。豈非祖孫之光。而邦國之頑也。嗚呼盛哉。

趙氏傳

僕趙姓名登。壯直真定人也。少事趙廣文。鳳來勤力作。苦廣文亦更無他僕。一日遠出。亡金于塗。登後至。得之。追及廣文。意色方甚慘。登曰。奚事戚戚。非爲向者有所亡乎。金具在。因出。諸橐中。廣文謁選時。同選人。窺登有幹才。陽假登送之官。而陰誘以金。使留事。已。登泣曰。廣文吾主也。義不可負。立辭歸。廣文數年。廣文倦遊。歸。登乃悉歛所積幾百金。跪進之。廣文曰。寧有是哉。登涕泣固請。終不可乃已。廣文旣老。念登

勞○苦○久○遣○令○休○息○然○值○歲○時○伏○臘○必○晨○起○入○門○擦○作○
灑○掃○如○平○時○廣○文○慰○諭○令○歸○乃○敢○去○及○廣○文○歿○子○若○
孫○每○上○墓○登○輒○先○在○事○其○子○若○孫○亦○復○如○廣○文○時○登○
事○趙○氏○凡○三○世○蓋○數○十○年○猶○一○日○也○廣○文○孫○一○鶴○為○
諸○生○時○或○為○狹○邪○遊○登○輒○極○諫○即○逢○怒○亦○不○小○沮○當○
有○司○試○高○第○登○必○戒○曰○勿○喜○也○先○人○嘗○教○試○高○第○然○
卒○不○售○吾○家○業○儒○三○世○必○有○興○者○苟○能○拓○先○業○登○死○
瞑○目○矣○一○鶴○既○成○進○士○每○言○及○登○輒○為○泣○然○流○涕○太○
史○梁○公○清○標○紀○其○事○

論○曰○今○天○下○上○下○之○分○豈○不○凌○替○極○哉○僕○視○主○人○如○
傳○舍○而○其○輕○于○去○就○也○如○路○人○主○勢○方○張○則○蟻○附○而○
虎○翼○家○少○落○輒○飽○颺○不○顧○去○往○往○不○可○數○計○如○趙○登○
之○始○終○繼○主○歷○窮○達○久○近○不○移○豈○非○人○情○所○極○難○者○
乎○予○往○聞○高○忠○憲○有○云○天○下○無○好○人○此○非○忠○厚○之○言○
也○天○下○無○好○家○人○此○非○不○忠○厚○之○言○也○嗚○呼○讀○書○明○
道○如○忠○憲○豈○肯○浪○言○者○乎○予○故○傳○登○之○事○使○聞○其○風○
者○有○所○感○而○自○愧○焉○

武氏僕傳

武氏僕某不詳名姓素○有○義○風○當○其○主○武○愨○受○賊○僞
 職○索○吉○服○僕○大○慟○曰○奴○聞○主○憂○臣○辱○主○辱○臣○死○今○聖
 駕○崩○主○人○不○奔○喪○哭○臨○又○取○吉○服○想○見○新○君○乎○餓○死
 事○小○失○節○事○大○望○三○思○之○叩○頭○出○血○愨○不○聽○且○叱○之
 出○僕○曰○主○人○為○名○利○所○惑○妄○意○一○統○不○聽○吾○言○後○必
 有○悔○李○賊○貪○淫○無○道○上○干○天○怒○下○拂○民○情○不○久○必○敗
 吾○不○忍○見○主○翁○之○失○所○也○不○食○而○卒○愨○官○偽○淮○揚○防
 禦○使○後○為○淮○撫○路○振○飛○擒○解○南○京○斬○之

論曰。僕之于主。猶臣之于君也。以愛主之僕。而值忘君之臣。可奈何。予謂一時朝士。先幾大義。俱遜此僕。若憐之惑于名利。又不足指數矣。

孔小優傳

小優。孔姓。紹興人。行四人。呼爲孔四郎。通文墨。尚氣節。因父選四川主簿。未任。歿于京。遂失身于鳳陽守衛常守經。狎爲刎頸交。城破。守經與四郎窖其金寶。而避賊將官撫民。獲守經。又逮四郎。詰所藏。四郎指示其窖。乃得免。守經被殺。撫民愛四郎。留之。次日。撫民呼酒與飲。且命四郎謳以侑觴。四郎夜深乘其醉。取刀砍之。悞中其股。四郎自知不免。提刀大罵曰。我與守經。恩逾骨肉。誓同生死。旣利其財。又傷其命。我

為守經報仇○恨未遂願○死必為厲鬼○食爾之心○遂自
刎死○頭已落身猶僵立○賊懼眾推之乃仆○

論曰○優以身事人者也○而獨不肯事賊○且為守經報
仇○身死猶植立○壯矣哉○原紀列諸婦女○予謂巾幗懷
貞○猶稱士行○况四郎實男子○耶名之義士○誰曰不宜
况乎傅粉鑷鬚○泣魚齒○被今日舉世人盡婦女矣○即
謂四郎為從一而終之淑媛可也○



